

涵芬樓古今文鈔

呂景端
書藏

詞林典故

卷之五

涵芬樓古今文鈔卷六十四

碑誌類

碑上一

高祖泗水亭碑銘 班固

光武濟陽宮碑 鞏璋

陳留東昏庫上里社碑 蔡邕

郭有道碑 蔡邕

陳太邱碑 蔡邕

胡公碑銘 蔡邕

太傅文恭侯胡公碑 蔡邕

楊公碑 蔡邕

漢太尉楊公碑 蔡邕

朱公叔墳前石碑 蔡邕

貞節先生范史雲碑 蔡邕

袁滿來墓碑 蔡邕

桐柏廟碑 王延壽

孝女曹娥碑 邯鄲淳

制命宗聖侯孔羨奉家祀碑 曹植

褚淵碑文 王儉

齊故安陸昭王碑文 沈約

頭陀寺碑文 王少

梁簡文帝招真館碑銘

四瀆祠碑銘 王褒

周大將軍司馬裔碑 庾信

晉陵太守王勵德政碑 徐陵

京師至德觀法主孟法師碑銘 岑文本

荊州玉泉寺大通禪師碑銘 張說

廣州都督嶺南按察五府經略使宋公遺愛碑頌 張說

后土神祠碑銘 唐玄宗序 張說辭

西嶽太華山碑銘 唐玄宗序 張說辭

紀信碑 盧藏用

北嶽恆山碑銘 張嘉貞

河中府新修文宣王廟碑 常仲孺

少室山少姨廟碑銘 楊炯

兗州曲阜縣宣聖廟碑銘 李邕

大雲寺禪院碑銘 李邕

溧陽瀨水貞義女碑銘 李白

項籍碑銘 李觀

周苛碑 李觀

景教流行中國碑 景淨

唐德宗西平王李晟東渭橋紀功碑

唐德宗贈太尉段秀實紀功碑

大唐燕支山神甯濟公祠堂碑 楊炎

虞帝廟碑銘 張謂

長沙土風碑銘 張謂

微子廟碑 賈至

有唐天下放生池碑銘 顏真卿

漢高士嚴君釣臺碑 梁肅

禹穴碑銘 鄭 魴

麟臺碑銘 韋表微

諸葛武侯廟碑銘 尚 馳

蜀丞相諸葛武侯祠堂碑銘 裴 度

南海神廟碑 韓 愈

曹成王碑 韓 愈

清邊郡王楊燕奇碑 韓 愈

唐故相權公墓碑 韓 愈

平淮西碑 韓 愈

衢州徐偃王廟碑 韓 愈

袁氏先廟碑 韓 愈

魏博節度觀察使沂國公先廟碑銘 韓 愈

處州孔子廟碑 韓愈

柳州羅池廟碑銘 韓愈

唐河陽軍節度使烏公先廟碑銘 韓愈

平淮碑 韓雲卿

唐丞相崔公廟碑銘 韓雲卿

復東林寺碑銘 崔黯

三受降城碑銘 呂溫

杜岐公淮南遺愛碑銘 權德輿

唐故南康郡王贈太師韋公先廟碑銘 權德輿

唐上柱國燕國公于公先廟碑銘 權德輿

唐鄂州永興縣重巖寺碑銘 舒元興

殷太師比干碑 李翰

涵芬樓古今文鈔卷六十四

侯官吳曾祺纂錄

碑誌類

碑上一

高祖泗水亭碑銘

班固

皇皇聖漢。兆自沛豐。乾降著符。精感赤龍。永魃流裔。襲唐末風。寸天尺土。無埃斯亭。建號宣基。維以沛公。揚威斬蛇。金精摧傷。涉關陵郊。係獲秦王。應門造勢。斗壁納忠。天期乘祚。受爵漢中。勒陳東征。剗擒三秦。靈威神佑。鴻溝是乘。漢軍改歌。楚衆易心。誅項討羽。諸夏以康。陳張畫策。蕭勃翼終。出爵褒賢。裂土封功。炎火之德。彌光以明。源清流潔。本盛末榮。敍將十八。贊述股肱。休勳顯祚。永永無疆。國甯家安。我君是升。根生葉茂。舊邑是仍。於皇舊亭。苗嗣是承。天之福祐。萬年是興。

光武濟陽宮碑

鞏瑋

惟漢再受命。曰。世祖光武皇帝。考南頓君初爲濟陽令。濟陽有武帝行過宮。常封閉。帝將生。考以令舍下溼。開宮後殿居之。建平元年十二月甲子夜。帝生時有赤光。室中皆明。使卜者王長卜之。長曰。此善事不可言。歲有嘉禾一莖。生九穗。長於凡禾。因爲尊諱。王室中微。哀平短祚。姦臣王莽。儉有神器。十有八年。罪盈惡熟。天人致誅。帝乃龍見白水。淵躍昆澧。破前隊之衆。殄二公之師。收兵畧地。經營河朔。戮力戎功。翼戴更始。義不卽命。帝位闕焉。於是羣公諸將。據河洛之文。叶符瑞之珍。僉曰。歷數在帝。踐阼允宜。乃以建武元年六月乙未。卽位鄴縣之陽。五成之陌。祀漢配天。不失舊物。享國三十六年。方內乂安。蠻夷率服。巡狩泰山。禪梁父。皇代之遐迹。帝者之上儀。罔不畢舉。道德餘慶。延於無窮。先民有言。樂樂其所自生。而禮不忘其本。自以虞稱嬀汭。姬美周原。皇天乃眷神宮。實始於此。厥迹邈哉。所謂神麗顯融。越不可尙。小臣河南尹鞏璋。先祖銀艾封侯。歷世卿尹。受漢厚恩。璋以商箕餘烈。郡舉孝廉。爲大官丞。來在濟陽。顧見神宮。追維桑梓褒述之義。用敢作

頌。頌曰。

赫矣炎光。爰耀其輝。篤生聖皇。貳漢之微。稽虔虔則。誕育靈姿。黃孽作慝。篡握天機。帝赫斯怒。爰整其師。應期潛則。扶陽而飛。禍亂克定。羣兇殄夷。匡復帝載。萬國以綏。巡於四嶽。展義省方。登封降禪。升於中皇。爰茲初基。天命孔彰。子子孫孫。保之無疆。

陳留東昏庫上里社碑 蔡邕

社祀之建尙矣。昔在聖帝有五行之官。而共工子句龍爲后土。及其沒也。遂爲社祀。故曰社者。土地之主也。周禮建爲社位。左宗廟。右社稷。戎醜攸行。於是受脤。土膏恆動。於是祈農。又頒之于兆民。春秋之中。命之供祠。故自有國至于黎庶。莫不祀焉。惟斯庫里。古陽武之戶牖鄉也。春秋時。有子華爲秦相。漢興。陳平由此社宰。遂佐高帝。克定天下。爲右丞相。封曲逆侯。永平之世。虞延爲太尉司空。封公。至嘉平。延弟曾孫放。字子卿。爲尙書令。外戚梁冀乘寵作亂。首策誅之。王室以績封召

都亭侯。太僕太常司空。毗天子而維四方。克措其功。往烈有常。于是司監爰暨邦人。僉以爲宰相繼踵。咸出斯里。秦一漢三。而虞氏世焉。雖有積善餘慶。修身之致。亦斯社之所相也。乃相與樹碑作頌。以示後昆云。

唯王建祀。明事百神。乃顧斯社。于我兆民。明德惟馨。其慶聿彰。自嬴及漢。四輔代昌。爰我虞宗。乃世重光。元勳旣立。錫茲土疆。乃公乃侯。帝載用康。神人協祚。且巨且長。凡我里人。盡受嘉祥。刊銘金石。永世不忘。

郭有道碑蔡邕

先生諱泰字林宗。太原界休人也。其先出自周王季之穆有虢叔者。實有懿德。文王咨焉。建國命氏。或謂之郭。卽其後也。先生誕應天衷。聰睿明哲。孝友溫恭。仁篤慈惠。夫其器量宏深。姿度廣大。浩浩焉。汪汪焉。奧乎不可測已。若乃砥節厲行。直道正辭。貞固足以幹事。隱括足以矯時。遂考覽六經。探綜圖緯。周流華夏。游集帝學。收文武之將墜。拯微言之未絕。于時纓綬之徒。紳佩之士。望形表而景附。聆

嘉聲而響和者。猶百川之歸巨海。鱗介之宗龜龍也。爾乃潛隱衡門。收朋勤誨。童蒙賴焉。用祛其蔽。州郡聞德。虛己備禮。莫之能致。羣公休之。遂辟司徒掾。又舉有道。皆以疾辭。將蹈洪崖之遐迹。紹巢由之絕軌。翔區外以舒翼。超天衢以高峙。稟命不融。享年四十有三。以建甯二年正月乙亥卒。凡我四方同好之人。永懷哀悼。靡所置念。乃相與推先生之德。以圖不朽之事。僉以爲先民既沒而德音猶存者。亦賴之于紀述也。今其如何而闕斯禮。於是樹碑表墓。昭銘景行。俾芳烈奮乎百世。令聞顯于無窮。其辭曰。

於休先生。明德通玄。純懿淑靈。受之自天。崇壯幽濬。如山如淵。禮樂是悅。詩書是敦。匪惟撫華。乃尋厥根。宮牆重仞。允得其門。懿乎其純。確乎其操。洋洋搢紳。言觀其高。棲遲泌邱。善誘能教。赫赫三事。幾行其招。委辭召貢。保此清妙。降年不永。民斯悲悼。爰勒茲銘。摘其光耀。嗟爾來世。是則是效。

陳太邱碑 蔡邕

先生諱實字仲弓。潁川許人也。含元精之和。應期運之數。兼資九德。總修百行。於鄉黨則恂恂焉。彬彬焉。善誘善導。仁而愛人。使夫少長咸安懷之。其爲道也。用行舍藏。進退可度。不傲訐以干時。不遷貳以臨下。四爲郡功曹。五辟豫州。六辟三府。再辟大將軍。宰聞喜半歲。太邱一年。德務中庸。教敦不肅。政以禮成。化行有謐。會遭黨事。禁錮二十年。樂天知命。澹然自逸。交不諂上。愛不黷下。見幾而作。不俟終日。及文書赦宥。時年已七十。遂隱邱山。縣車告老。四門備禮。閑心靜居。大將軍何公。司徒袁公。前後招辟。使人曉喻。云欲特表。便可入踐常伯。超補三事。紆佩金紫。光國垂勳。先生曰。絕望已久。飾巾待期而已。皆遂不至。宏農楊公。東海陳公。每在袞職。羣寮賀之。皆舉手曰。潁川陳君。命世絕倫。大位未躋。慙于文仲竊位之負。故時人高其德。重于公相之位也。年八十有三。中平三年八月丙子。遭疾而終。臨沒顧命。留葬所卒。時服素棺槨。財周櫬。喪事惟約。用過乎儉。羣公百寮。莫不咨嗟。巖藪知名。失聲揮涕。大將軍弔祠。錫以嘉諡曰。徵士陳君。稟嶽瀆之精。苞靈曜之純。

天不憖遺一老。俾屏我王。梁崩哲萎。于時靡憲。摺紳儒林。論德謀績。諡曰文範先生。傳曰。郁郁乎文哉。書曰。洪範九疇。彝倫攸敘。文爲德表。範爲士則。存誨沒號。不亦宜乎。三公遣令史祭以中牢。刺史敬弔。太守南陽曹府君。命官作誄曰。赫矣陳君。命世是生。含光醕德。爲士作程。資始旣正。守終又令。奉禮終沒。休矣清聲。遣官屬掾吏。前後赴會。刊石作銘。府丞與比縣會葬。荀慈明韓元長等五百餘人。總麻設位。哀以送之。遠近會葬。千人已上。河南尹种府君臨郡。追歎功德。述錄高行。以爲遠近鮮能及之。重部大掾。以時成銘。斯可謂存榮沒哀。死而不朽者也。乃作銘曰。

峨峨崇嶽。吐符降神。於皇先生。抱寶懷珍。如何昊穹。旣喪斯文。微言圯絕。來者曷聞。交交黃鳥。爰集于棘。命不可贖。哀何有極。

胡公碑銘 蔡邕

公韓廣字伯始。南郡華容人也。其先自媯姓建國南土。曰胡子。春秋書焉。列于諸

侯。公其後也。考以德行純懿。官至交趾都尉。公寬裕仁愛。覆載博大。研道知幾。窮理盡性。凡聖哲之遺教。文武之未墜。罔有不綜。年二十七。察孝廉。除郎中尙書侍郎。左丞尙書僕射。內正機衡。允釐其職。文敏暢乎庶事。密靜周乎樞機。帝用嘉之。遷濟陰太守。公乃布愷悌。宣柔嘉。通神化。導靈和。揚惠風。以養真。激清流。以盪邪。取忠肅於不言。消奸宄於爪牙。是以君子勤禮。小人知恥。鞠推息於官曹。刑戮廢於朝市。餘貨委於路衢。餘種棲於畎畝。遷汝南太守。增修前業。考績旣明。入作司農。實掌金穀之淵藪。和均關石。王府以充。遂作司徒。昭敷五教。進作太尉。宣暢渾元。人倫輯睦。日月重光。遭國不造。帝祚無主。援立孝桓。以紹宗緒。用首謀定策。封安樂鄉侯。戶邑之數。加于羣公。入錄機事。聽納總己。致位就第。復拜司空。敷土導川。俾順其性。功遂身退。告疾固辭。乃爲特進。爰以休息。又拜太常。典司三禮。敬恭禋祀。神明嘉歆。永世豐年。聿懷多福。復拜太尉。尋申前業。又以特進。逍遙致位。又拜太常。遘疾不夷。遜位歸爵。遷於舊都。徵拜太中大夫。延和末年。聖主革正。幸臣

誅弊。引公爲尙書令。以二千石居官。委以閫外之事。釐改度量。以新國家。宏綱旣整。袞闕以補。乃拜太僕。車正馬閑。六駟習馴。遷太常司徒。成宗晏駕。推建聖嗣。復封故邑。與參機密。寢疾告退。復拜太傅。錄尙書事。于時春秋高矣。繼親在堂。朝夕定省。不違子道。旁無几杖。言不稱老。居喪致哀。率禮不越。其接下答賓。雖幼賤降等。禮從謙厚。尊而彌恭。勞思萬機。身勤心苦。雖老萊子嬰兒其服。方叔克壯其猷。公旦納於台屋。正考父俯而循禮。曷以尙茲。夫蒸蒸至孝。德本也。體和履忠。行極也。博聞周覽。上通也。勤勞王家。茂功也。用能十登三事。篤受介祉。亮皇業於六王。嘉丕績於九有。窮生人之光寵。享黃耆之遐紀。蹈明德以保身。與福祿乎終始。年八十有二。建甯五年春壬戌薨于位。天子悼痛。贈策賜諡。諡曰文恭。如前傳之儀。而有加焉。禮也。故吏司徒許詡等。相與欽慕崧高蒸民之作。取言時計功之則。論集行迹。銘諸琬琰。其詞曰。

伊漢元輔。時惟文恭。聰明叡哲。思心瘁容。畢力天機。帝休其庸。賦政于外。有邈其